

**24ème Marché aux livres et  
aux collections**

**24vet Marc'had al levrioù  
hag an dastumadegoù**

**LANNUON, d'ar sul 28 a viz Genver 2018**

**Marc'had - Diskouezer**

**article 1.** Aozet e vez ar marc'had gant ar gevredigezh « Kuzul Skoazell Diwan Lannuon » lec'hiet e : SKOL DIWAN, 15 hent ar skol, Logivi ☐22300 LANNUON. Graet eo ar marc'had evit gwerzhañ levrioù kozh ha nevez pe dastumadegoù.

**article 2.** Aozet e vo d'ar sul 28 a viz Genver 2018, etre 9e ha 18e30.

**article 3.** Staliet e vo e-barzh sal an Ursulinezed, 5 Plasenn ar vrogarourien, 22300 Lannuon

**article 4.** Degemeret e vo : an dud a-vicher hag an hiniennoù, dindan ziviz ar reolennoù skrivet amañ dindan.

**Divizoù evit kemer perzh**

**article 5.** Asurañsoù aozerien ar marc'had ha perc'henned al lec'h na sellont ket ouzh ar pezhioù, arrebeuri, ha gwerzhadoù diskouezet war ar stalioù. Ur wech lakaet o anv ne vo ket posubl d'an diskouezerien sevel amoug a-enep d'an aozerien. – Kuzul Skoazell skol DIWAN de Lannuon, pe perc'henned al lec'h – ha ne vint ket atebek war al laeroñsi, an torr, an disleberadur, hag all... a c'hellfe c'hoarvezout e-pad an abadenn, da vare an dispak pe an adpak. Asurañsoù a-enep al laeroñsi, an tan, an dour pe asurañsoù atebegzh keodedel a vo afer pep diskouezer.

**article 6.** Gant ma vo plas a-walc'h evit degemer anezho e c'hello kemer perzh an holl dud a-vicher hag an holl hiniennoù a vo bet kaset ganto an teulioù meneget amañ dindan :

ar chekenn amberzadur (war anv Diwan )

ar fichenn enskrivañ leuniet ha sinet

ur golo-lizher timbret gant ho chomlec'h (ma n'eus chomlec'h postel ebet ganeoc'h)

**article 7.** Resevet ha studiet e vo an enskrivadurioù ganeomp. Asantet e vo an enskrivadurioù gant an aozerien pe get, hep bezañ rediet reiñ abegoù an diviz. Ma vez nac'het un enskrivadur gant an aozerien e vo restaolet an arc'hant bet kaset dezho.

**article 8.** Priz al lec'hiadur a zo : 8€ dre vetrad linennek.

**article 9.** Kregiñ a raio an dispak d'ar **sul 28 a viz Genver 2018 adalek 7e30**. Ret e vo d'an holl stalioù bezañ **prest da 9e**.

**article 10.** Posubl e vo d'an aozerien reiñ ar plas a oa bet miret ganeoc'h d'unan bennak all adalek **8e30** ma n'oc'h ket bet gwelet war al lec'h d'ar poent-se.

**article 11.** Difennet eo : lakaat sonerezh war ho stal, gwerzhañ traoù dañjerus pe dilañvas, diskouez pe gwerzhañ loened, skignañ traktoù ha brudfollennoù, goulenn an aluzen.

**article 12.** Ret e vo d'an diskouezerien dastum o lastez a-raok mont kuit.

**article 13.** Roet e vo peb a faturenn deoc'h war al lec'h, devezh an abadenn.

**Sinadur an diskouezer**

Meneg dornskrivet « lennet hag asantet »

Deiziad :